

«Удмурт шаер» клубы — 40 ар

Чылкыт омырен шокчем кадь

250-лэсь уно пумиськоньёс — историын

Национальной библиотеказы Йёскалык но шаертондон литературая но библиография центр бордын ужась «Удмурт шаер» клубы туэ 40 ар тырмиз.

100 презентация

Та клублэн нырысетй пумиськонэз ортчиз 1984-тй арын 26-тй толшоре, ужрад сйземын вал удмурт югдытйсьлэн, кылбурчилэн Максим Прокопьевлэн 100 ар тырмонэзлы. Со дырысен «Удмурт шаер» клуб трос пумиськоньёс ортчытйз ини тодмо писательёсын, тодосчиосын, артистйёсын, эмчиосын, Бьдзым ожысь ветеранйёсын... Татын радъяськыло литература сярсь кенешоньёс, виль книгаосын тодматсконьёс, удмурт калыклэн дано адямиосызлы, коллективйёслы сйзем жьгтьёс.

«Удмурт шаер» клублэсь ортчем сюрессэ учконо ке, солы кутскон сётйз Ленин нимо (али Национальной) библиотекалэн кивалтйсьезлэн воштйсьез Галина Калинина, чапак со чектйз Ленин нимо библиотеканын таёе клуб кылдытыны. Нош солэн нырысетй кивалтйсьез луиз библиотеканын шаертондонъя но национальной литературая отделлэн кивалтйсьез, С. Самсонов писательлэн кузпалыз Мария Самсонова.

1988-тй арысен та клубез валтйз Удмуртиысь культура удысысь дано ужась Надежда Бочкарёва. Надежда Николаевна быгатйз клуб котыре биняны удмурт тодосчиосты, культура удысын ужасьёсты. Бёрысь ужез азыланьтйз Удмуртиысь культура удысысь дано ужась Надежда Лимонова, нош та вакытэ «Удмурт шаер» клубез нуэ библиотеканын Йёскалык но шаертондон литературая но библиография центрлэн кивалтйсьез Татьяна Николаева.

— Туала вакытэ со клуб гинэ ёвёл ни, со — презентациос ортчыгьян площадка: книгаослы, мылкыдйёслы, тодмо лыдпусьёсты пусьёнлы яке тунсыко адямиосын тодматсконлы. Та арьёс ёже «Удмурт шаер» клублэн матысь эшгёсыз но юрттйсьёсыз луизы ини История, кыля но литература Удмурт институт, Удмурт кун университет, Удмуртиысь Писательёслэн огазеяськонзы, Удмурт театр, «Удмурт Кенеш» но «Удмурт



Ленин нимо библиотеканын «Удмурт шаер» клублэн кенешез: библиотекарь Надежда Бочкарёва, литературоведьёс Анатолий Уваров, Пётр Поздеев, Фома Ермаков. 1989-тй ар.

нылкышно кенеш» огазеяськоньёс но трос мукетйёсыз, — шуэ Татьяна Васильевна.

Трос арьёс ёже ини клублэсь пумиськоньёссэ радъян бордын тырше Удмуртиысь культура удысысь дано ужась, Йёскалык но шаертондон литературая ёзтысь валтйсь библиотекарь Галина Сергеева. Галина Александровна пусьё: калык ужрадйёсазы туж яратыса лыктэ.

— 40 ар ёже драмы 15 сюрслэсь ятыр адямиос ветлызы ни. Финляндиысь, Венгриысь, Эстониысь, Франциысь куноос но вуылйзы. Туала лыдзйсьёс виль дунъяло тодмо писательёслэсь Вячеслав Ар-Сергилэсь, Татьяна Черновалэсь, Елена Миннигараевалэсь гожьямйёссэс. Соослэн творчествозылы сйзем жьгтьёсы трос калык люкаськылыз.

Клубе ветлйсьёслы озы ик туж ярало тунсыко адямиосын пумиськоньёс. Кылсярысь, тросэзлы кельшиллям Удмуртилэсь кунпусэ но куншетсэ кылдытэм тодмо суредасьлэн Юрий Лобановлэн, биология наукаосья докторлэн Виктор Туганавлэн, Удмуртиысь наука удысысь дано ужасьлэн, профессорлэн Татьяна Владыкиналэн, Удмуртилэн Кун премиезлэн лауреатэзлэн, удмурт дэрем вурисьлэн Татьяна Москвиналэн жьгтьёсы.

Лыдзйсь доры книгалэн вуэмез — котькуд писатель, кылбурчи, тодосчи, лыдзйсь понна бадзым шумпотон. «Удмурт шаер» клубын берло

дыре трос авторйёслэн ужйёсынызы тодматсконьёс ортчылйзы. Тодам лыктэ, кызы 120 интьем заламы учкисьёсмылы пуксён инты ёз тырмы Ольга Туктаревалэн «Бабушки из Бураново. Как это было» книгаеныз тодматсконэ вуэм куноосмылы. Клубын 100 котыр виль книгаослы презентация ортчытэмын ни, — шуэ Галина Сергеева.

Вунонтэм пумиськоньёс

Надежда Лимонова 30 арлэсь кема тыршиз Йёскалык библиотеканын. Со пёлысь ог 18 арзэ кивалтйз «Удмурт шаер» клубен. Ужзэ нуыны ёдъякуз, солы трос юрттйз Надежда Бочкарёва. Надежда Петровна ас вакытаз быгатйз аслызы мыло-кыдо ужась команда люканы, соин та клуб сярсь трос калык тодйз:

— Котькуд пумиськонлы рос-прос дасяськыско вал, — тодаз вае Надежда Лимонова. — Ётёно куно сярсь ивор люкасько, тодыны тыршисько, кыёе адями со. Писатель, тодосчи ке, книгаоссэ лыдзйса потйсько. Библиотеканын ужась эшгёсы юртто вал калыкез люканы, сценарий гожтыны. «Удмурт шаер» клуб туж кулэ ужез жутйз ук — асьме калыклэсь культуразэ, историзэ, литературазэ утён-вёлмытонэз. Мыным та пумиськоньёс чылкыт омырез шокчем кадь вал. Куке ог-огзэс тодйсьтэм, мурт адямиос татчы люкасько, собере матысь эшгёс кадь люкыско. Котькуд пумиськон мон

понна бадзым шумпотон но, «ликбез» но вал анай кылме волятонъя, калыкен кусып тупатонъя, визьмо, дано, гажано удмурт адямиосын тодматсконъя-кенешонъя.

Али кадь ик син аязм Удмуртиысь калык писателен Семён Самсоновен пумиськонмы. Нырысь ик паймытйз пыдаз гын сапегйёсын лыктэмын, тусызъя — огшоры воргорон. Мынам, солэсь усто произведениоссэ лыдзем адямилэн, мукет образэз йырам вал. Нош вераскыны ёдяз но, романйёсызлэсь но вылие лобиз кадь! Ужрад ортчем бере писатель шуиз: кызы мон туннэ вераски, озы ноку но уг вера ни, соин ик дуньяны кулэ котькуд минутэз, котькуд верамез, котькуд пумиськонэз. Семён Самсоновлэн та кылёсыз бере ёш ужась эшгёсылы шуи: бастыно диктофон. Куноосмылэсь вераскемйёссэс гожтыса кельтоно, архив лэсьтоно, туспуктылоно.

Надежда Петровна ик йыраз малпан лыктйз устной мемуарйёс кылдытон сярсь. «Удмурт шаерлэн» та эшшо одйгез жеч пытыез. Клубе ваньзэсты люканы уг луы бере, библиотекарйёс асьсэос нимо-дано удмуртйёс доры вуылйзы. Озы 100-лэсь уно тодмо, визьмо адямиослэн асьсэ сярсь верамйёссы Йёскалык библиотекалэн архиваз утыско. Туннэ нуналлы соос оцифровать каремын ини. Ужрадйёсысь туспуктэмйёсын, пумиськонйёсы пырыськылым адямиосын но

6 альбом дасямын. Соосты учкыса-лыдзйса но валанно: «Удмурт шаер» клублэн жьгтьёсыз тунсыко но шуныт мылкыдын ортчо.

— Литературовед Алексей Ермолаев огпол шуиз, тйляд пумиськоньёсады критикаез, лэчыт верасконэз уг тырмы. Мыным потэ, со понна вань Писательёслэн огазеяськонзы. Нош «Удмурт шаер» клубын даллаштытэк верасконлуыны кулэ, отын котькудйз малпанйёссэ устыны мед дйсьтоз. Зэмзэ но, милям жьгтьёсамы возьдаскысь адями но дйсьтйсьгес луылйз кадь.

Тодам лыктэ: Удмуртиысь культура удысысь дано ужась, кылбурчи Владимир Котков пумиськонамы висысагес, мылкыдтэк вуиз. Нош ужрад сьёе жеч но тунсыко радъяськиз, Владимир Котков бёрысь шуиз: висёнэ ик ортчиз кадь. Профессор Фома Ермаков абдратйз сомында тодон-валанэныз но аспёртэмлыко юмореныз. Трос кузя пумиськонэ вуылйзы вал алнашгёс, тодмо кылбурчиослы Иосиф Ивановлы но Иосиф Бобровлы сйзем жьгтьёсамы. Соку пайми алнашгёслэн эрико, шаплы луэмзылы, ас калыкенызы, вордскем пальёсынызы данъяськыны быгатэмзылы, мылкыд сётэмзылы. Кы ар талэсь азыло История, кыля но литература Удмурт институт история наукаосья докторлы Галина Никитиналы сйзем ужрад орчыгтыз вал. Соос али но тау каро «Удмурт шаер» клубамы Галина Аркадьевна сярсь лэсьтэм фильм понна. Кема арьёс ёже соин ёш тыршем эшгёсыз-тодосчиос, та видеоз учкыса, шуизы: ми та адямиез бьдзэсак ём усьтэ, ём лыдзё на вылэм, — вера Надежда Лимонова.

Удмуртиысь культура удысысь дано ужась, кылбурчи Татьяна Чернова «Удмурт шаер» клубе кемалась дырысен ветлэ. Татын солэн юбилеезлы сйзем жьгтьёс но книгаосызлы презентациос орчылызы. Клубез жечкыласа, солэн таёе чурьёсыз кылдызы:

*Сийё-дано «Удмурт шаер» —
Таёе клубез шедьтод ни шер.
Тонэ бьдэс удмурт дунне
Жечкылары ни вамыштэ.
Нош кин ёз вуы на татчы,
Мазэ ке но ялан ыштэ.*